

სსიპ საარჩევნო სისტემების განვითარების,
რეფორმებისა და სწავლების ცენტრის დირექტორის
2012 წლის 2 მარტის №18 ბრძანებით

სსიპ საარჩევნო სისტემების განვითარების, რეფორმებისა და სწავლების ცენტრის სერტიფიცირებისა და პროექტების მართვის განყოფილების დებულება

მუხლი 1. ზოგადი დებულებები

1. სსიპ საარჩევნო სისტემების განვითარების, რეფორმებისა და სწავლების ცენტრის (შემდგომში – ცენტრი) სერტიფიცირებისა და პროექტების მართვის განყოფილება (შემდგომში - განყოფილება) წარმოადგენს ცენტრის სტრუქტურულ ერთეულს.

2. განყოფილება თავის საქმიანობას წარმართავს საქართველოს კონსტიტუციის, საქართველოს ორგანული კანონის „საქართველოს საარჩევნო კოდექსი“, „საჯარო სამართლის იურიდიული პირის შესახებ“ საქართველოს კანონის, „საჯარო სამართლის იურიდიული პირის - საარჩევნო სისტემების განვითარების, რეფორმებისა და სწავლების ცენტრის დებულების დამტკიცების შესახებ“ საქართველოს ცენტრალური საარჩევნო კომისიის 2012 წლის 3 თებერვლის №7/2012 დადგენილებით დამტკიცებული სწავლების ცენტრის დებულების, საქართველოს სხვა ნორმატიული აქტების, სწავლების ცენტრის შრომის შინაგანაწესისა და ამ დებულების შესაბამისად.

მუხლი 2. განყოფილების ფუნქციები

განყოფილების ფუნქციებია:

- ა) სწავლების ცენტრის კომპეტენციის ფარგლებში წინადადებების შემუშავება პოლიტიკურ პარტიებთან, საერთაშორისო და არასამთავრობო ორგანიზაციებთან პარტნიორული თანამშრომლობის შესახებ;
- ბ) სწავლების ცენტრის საქმიანობის პრიორიტეტული მიმართულებების გათვალისწინებით პროექტების დაგეგმვა და შემუშავება, მათ შორის, საერთაშორისო და ადგილობრივ ორგანიზაციებთან თანამშრომლობით;
- გ) კომპეტენციის ფარგლებში შესაბამისი კვლევების წარმოება, საზღვარგარეთის ქვეყნების გამოცდილების შესწავლა;

- დ) სწავლების ცენტრის საქმიანობასთან დაკავშირებულ საკითხებზე საზოგადოების ინფორმირებულობის უზრუნველყოფა, სწავლების ცენტრის ვებ-გვერდის განახლება/მონიტორინგი;
- ე) საარჩევნო ადმინისტრაციის მოხელეთა სერტიფიცირების გამოცდის ჩატარების უზრუნველყოფა;
- ვ) საარჩევნო ადმინისტრაციის მოხელის სერტიფიკატების გაცემა, შეცვლა, აღდგენა;
- ზ) საგრანტო კონკურსის ორგანიზება და მისი ჩატარების კოორდინაცია;
- თ) საგრანტო კონკურსის საფუძველზე დაფინანსებული პროექტების განხორციელების მონიტორინგი;
- ი) სწავლების ცენტრის დირექტორის სხვა დავალებების შესრულება.

მუხლი 3. განყოფილების შემადგენლობა

1. განყოფილების შემადგენლობაში შედიან:
 - ა) განყოფილების უფროსი;
 - ბ) სპეციალისტი (III კატეგორია);
 - გ) სპეციალისტი (I კატეგორია).
2. განყოფილების უფროსი:
 - ა) ხელმძღვანელობს განყოფილების საქმიანობას და პასუხისმგებელია განყოფილების ფუნქციების შესრულებაზე;
 - ბ) ანგარიშვალდებულია სწავლების ცენტრის დირექტორის წინაშე;
 - გ) განყოფილების თანამშრომლებს უნაწილებს სამსახურებრივ დავალებებს და აკონტროლებს მათ შესრულებას;
 - დ) ხელს აწერს, ან ვიზირებას უკეთებს განყოფილებაში მომზადებულ დოკუმენტებს;
 - ე) კოორდინაციას უწევს განყოფილების ურთიერთობას სწავლების ცენტრის სხვა სტრუქტურულ ერთეულებთან;
 - ვ) მოთხოვნის შესაბამისად წარადგენს განყოფილების ანგარიშს გაწეული საქმიანობის შესახებ;
 - ზ) შუამდგომლობს სწავლების ცენტრის დირექტორის წინაშე განყოფილების ფუნქციონირებისათვის აუცილებელი მატერიალურ-ტექნიკური საშუალებების გამოყოფის შესახებ;
 - თ) წარუდგენს სწავლების ცენტრის დირექტორს წინადადებებს განყოფილების სტრუქტურის, შტატების, მუშაობის ორგანიზაციის, თანამშრომლების წახალისების, დისციპლინური პასუხისმგებლობის დაკისრებისა და მათი კვალიფიკაციის ამაღლების შესახებ;
 - ი) ასრულებს სწავლების ცენტრის დირექტორის სხვა დავალებებს.
3. სპეციალისტი (III კატეგორია):
 - ა) სწავლების ცენტრის კომპეტენციის ფარგლებში შეიმუშავებს წინადადებებს პოლიტიკურ პარტიებთან, საერთაშორისო და არასამთავრობო ორგანიზაციებთან პარტნიორული თანამშრომლობის შესახებ;

- ბ) სწავლების ცენტრის საქმიანობის პრიორიტეტული მიმართულებების გათვალისწინებით უზრუნველყოფს პროექტების დაგეგმვასა და მართვას, მათ შორის, საერთაშორისო და ადგილობრივ ორგანიზაციებთან თანამშრომლობით;
- გ) სწავლების ცენტრის კომპეტენციის ფარგლებში აწარმოებს შესაბამის კვლევებს, შეისწავლის საზღვარგარეთის ქვეყნების გამოცდილებას;
- დ) სწავლების ცენტრის საქმიანობის შესახებ საზოგადოების ინფორმირებულობის მიზნით ამზადებს პრეს-რელიზებს და უზრუნველყოფს ინფორმაციის დროულ განთავსებას სწავლების ცენტრის ვებ-გვერდზე; პასუხისმგებელია სწავლების ცენტრის ვებ-გვერდზე ინფორმაციის დროულად განახლებაზე;
- ე) უზრუნველყოფს საგრანტო კონკურსის ორგანიზებასა და მისი ჩატარების კოორდინაციას;
- ვ) ახორციელებს საგრანტო კონკურსის საფუძველზე დაფინანსებული პროექტების მიმდინარეობის მონიტორინგს;
- ზ) ასრულებს სწავლების ცენტრის დირექტორისა და განყოფილების უფროსის სხვა დავალებებს.

4. სპეციალისტი (I კატეგორია):

- ა) საარჩევნო ადმინისტრაციის მოხელეთა სასერტიფიკაციო გამოცდების ორგანიზაციული უზრუნველყოფის მიზნით მონაწილეობს სასერტიფიკაციო გამოცდის სამდივნოს მუშაობაში;
- ბ) განიხილავს სერტიფიკატის შეცვლის ან აღდგენის შესახებ შემოსულ განცხადებებს და ამზადებს შესაბამის დასკვნას;
- გ) აწარმოებს სერტიფიცირებულ პირთა შესახებ მონაცემთა ბაზას;
- დ) აწარმოებს სწავლების ცენტრის ფოტოგალერეას;
- ე) ასრულებს სწავლების ცენტრის დირექტორისა და განყოფილების უფროსის სხვა დავალებებს.

მუხლი 4. დასკვნითი დებულება

ამ დებულებაში ცვლილებებისა და დამატებების შეტანა ხდება სწავლების ცენტრის დირექტორის ბრძანებით.